

tundato-declive, tylo parum elevato, cum vertice in fronte fere in arcu continua rotundato, basi usque ad lineam antennarum assurgente; genis loris discretis, subrectangularibus, angustis. Oculi subgloboso-ovales, pone capitis basin prominentes. Rostrum coxas posticas attingens, articulo basali crasso, basin capitis superante, secundo tertio paullo longiore, ultimo penultimo parum longiore. Antennae breviusculae, infra et sub apicem inferiorem oculorum positae, pilosae; articulo primo brevi, secundo cylindrico. Pronotum breve, trapeziforme, apice immarginatum, callis discoidalibus distinctis, remotis. Scutellum breviter triangulare. Hemelytra (in f. brach.) coriacea, brevissima, abdominis basin tantum tegentia, apicem versus dilatata, apice truncata. Abdomen latissimum, subrotundatum, deplanatum, lateribus explanatis, subreflexis. Pedes breviusculi, tibiis spinulosis, tarsorum unguiculis subtus pulvinatis; arolia brevissima.

Genus insigne Familiae *Capsidarum*, statura brevi, lata, abdomine valde dilatata formaque hemielytrorum primo intuitu generi *Microphysae* haud dissimile.

Pl. acanthioides J. Sahlb.

Breviter obovatus, abdomine valde dilatato, niger, subnitidus, dense longius flavo-pubescentis, antennarum articulis primis apice quartoque toto sordide flavis, pedibus ferrugineis, femoribus tarsorumque apice infuscatis, tibiis nigro-spinulosis; capite cum oculis pronoti apice latiore, supra gibboso-convexo, laevi, pronoto basi obsolete transversim ruguloso, callis ante medium sitis laevibus, scutello ante medium transversim impresso, hemielytris rugulosis, angulis apicalibus rotundatis, abdomine subtiliter punctulato. Long. 1,6—2 m. m.

Mas: minor, angustior, magis convexus, abdomine apice angustato, segmento genitali subtus convexo, stylo in latere sinistro, torquato, apice acuminato.

Femina: major, latior, magis deplanata, abdomine apice obtuse rotundato, vagina longa, abdomine $\frac{1}{4}$ brevior.

J. Sahlb. apud Soc. pro F. et Fl. Fenn. d. 5 Nov. 1870, vid. Not. häft. 11, 465. — Fig. Acta societ. Faun. et Fl. Fenn. I, tab. I, f. 16 et 16 a.